

عدد — ۸۹

امور اداره و تحریریه و اعلانات و سائرہ
ایچون مدیر مسئولہ مراحت ابدالمبدر.

صرفای امتک مقالات متصوفانہ لرینہ
حریدہ عوفیہ نک حینہ لری آچقیدر.
درج ابدلیان اوراق اعادہ ابداز.

جریلا صوفیہ

شیمدیلک ہفتدہ بر نشر اول نور

نسخہ سی ۲۰ پارہ در

ابونہ سی : بر سنہ لک اعتبار بلہ ممالک
عنائہ ایچون ۴۰ آلی آیلنی ۲۵ ضروش
ومالک اجنیہ ایچون اون ایکی فرانقہ

حل اداره باب عالی جوارندہ ابوالسمود
جادہ سیدہ نجم استقبال مطبعہ سی

تصوفی ، دینی ، اخلاقی ، سیاسی حریدہ اسلامیہ در

فلسفه

ینه بولدق هریرده شوق وار هریرده عشق وار ! . تجلی ذاتی ظهور حضور حضرت ذات دگیدر .

برقطه حاصل اولیورکه اوده جهات سته متعارفدن معرا (العلم نقطه) بونقطه نك فوقیتده بروجه ظاهر اوله ماز کوریر و طایر ایسه کندی کوریر و طایرسک حیرتک کندی وجودینه اولدیفنی اکلار . سک ! (وفی انفسکم افلا تبصرون) هریر داخل سیر افاق اولور . حاصلک بی حاصل اولدیفنی اکلار سک بی حاصلدن مقصدم مطلب اولان اصلک حصولیدر ، حاشا بویه دییورم که هر قسم تجلی صوری داخل سیر افاق اولسون شهود صورینک شهود انفسی ایله اتحادینک توهمی منشائی شخصک بقاسی دکدر قلت معرفت ایله بو حقیقتلر یوز کوسترمز بونی جاهل اکلایه ماز (ان الظن لا یغنی من الحق شیئاً بل نقول ان بعض الظن اثم) نهایت مقام ولایت ، مقام عبدیتدر ولایت درجاندن عبدیتدن یوقاری مقام یوقدر .

خلقت انسانیدن مقصود اداء وطائف بند کیدر درجات ولایت مقام عبدیتک فوقنده بر مقامی در ؟ اومقامده کندی مولا سیله بنددنک هیچ مناسبتی وارمیدر ؟ خایر خایر یالکز جنب مولی دن ذاتاً وصفه برانتهاء تام حاصل اولیور . یوقسه اونک ذاتی وصفاتی ذات وصفات تعالی ایله دکدر اونک افعالی افعال حق دکدر برینی خالق بیلور دیکرینی مخلوق (ان الفاعل متعدد و خالق الافعال واحد) علوم لدنییه مطابق و موافق شرع شریفدر . اکر سرمو بر مبانیت حسن ایدیلورسه او بر اثر سکر در سلو کدن مقصود معرفت اجاییه بی دائرة تفصیلیه ارجاع واستدلایده کشفه القادین عبارتدر معرفت وسلوک ؛ معارف شرعیه دن زائد دکدر . هر نقدر یوله فضیلتی کورینور ایسه ده هدف بر در یعنی ایش هپ بر صوله نتیجه پذیر اولور .

ای درینا کن شریعت ملت اعنائی است
ملت ماکفری و ملت ترسائی است
کفر و ایمان زلف و روی آن پری زیبای است
کفر و ایمان هر دو اند راه مایکتائی است

بو حال سنیه دوام ایتدکجه عنایت حق ایله حضرت سلطان دریجه غییدن عرصه ظهوره کلور بوتماماً ذوق ایدلدکن صکره احاطه و سربان و قرب و معیت ذاتیه ایشته بومقام مقدسه نمایان اولور محیطدر رفع محاط ایله (عالم عالم اوست) بو حقیقت تظاهر ایتدکن صکره قدیم اصلا عین حادث اوله ماز . تمتع العدمه عین جائز العدم دنیه من چونکه انقلاب حقایق عقلاً و شرعاً محالدر .

حضرت محی الدین ذات واجب تعالی نك مجهول مطلق اولدیفنی سولبور فقط بر حکم ایله محکوم علیه اولدیفنه قائل اولیور بوتوحیدک وراسته بر توحید یوقدر بو ذوقک بر دقیقه طویوم اولماز خدا عالم اودملره کائناتی بخش ایدرم ظل ، عین اصل اوله مدینی کی مظهر ، عین

لاهور و ناسوت

۴۹

ذات وصفات حق هریر لرلی یکدیگرینه مقابل انفکاک ناپذیر رکندر در . انکشاف ضیا شمسدن اولدیفنی کی شمس دخی ضیاندرا !! . شئونات جهتدن کثرات مختلفدن تظاهر ایدن ذاتدرکه صوراعیان ثابته ایله اکلارز بوضو رنده خلق حقک ظاهریدر . باطن خلق باطن حقدر بو ذات احدینک غیری اولمق شرطیه اودات احدیت که الله ایله تسمیه اولمشدر . جمله اسماء حجب ذاتدر نظری وهله وجود واحد مطلق اولان کسه نك شهودینه ذوالعین دیرلر حق ظاهر خلقی باطن کورمکه خلق ینه مرآت حق اولمق دن قور تیله ماز حق ظاهر اشیادر . ذوق پرستان خدا بونقطه ده واسطه ییده رفع ایدرلر .

ظهور جمله اشیا بشیعت ولی حق را نه ضدست و نه دست
چه ذات حق ندارد نقل و تحویل نیاید در دو تغییر و تبدیل

مرشد معظم حضرت محی الدین مرتبه علم ده حقایق ممکنات همان اسماء وصفات ایله متمیز در دیور .

مرشد معظم امام ربانی حقایق ممکنات اسماء وصفاتک نقیصی اولان عدملر در که بوده خانه علمده ظاهر اولان عدماتک اسماء وصفاتک عکوسیله ینه او خانه علمده ممتزج بولدیفنی سولبور .

در عالم منی که نباشد اشیا از ذات خود و غیر خود که اصلا مستند همه از روی هستی یکتا نوریت علم شان زهم کرد جدا

اوت دریای بطونک غواضارنده نسبت تنزیهیه قدرت می قالور اونلر جهلانک کوسترمش اولدقلری تنزیه روی التفات کوستر لر می ؟ ظاهره نسبت به مجال قالماز که : ظاهر نسبتدن خالی اولورسه تنزیه باطل اولور . جمیع معلومات و ظهوراته معرض اولان باطن زینغ بصره مبتلا دکدر بو حقیقتی یک کوزل اکلایورز اولیه دگی .

ظاهره کثرت و اثنیته معروض اوله رق حیرت و نادانی باش کوستریور ایسه ده شوتجلی نك وراسته (کان الله ولم یکن شیئاً مذکوراً) واردر (انا) قالمیور اوندن صکره انهدام باش کوستریور . شوق و طلب بدایتده ؛ رفع شوق و طلب نهایتده در .

اولیه نمرملر اوردر بر که سنده شاشارسک !! . بعض کیمسلر نمرزن عشق اوله رق (الله) دیزلر بوتکمیل مراتب دکل بلکه تنزیل اولمیلد رطن ایدرم حالبوکه نه توقع ونه ده شوق قالورسه نه دیرسکر شوقسز رجعت فقهری دیه حکم کلیور دوشنیورم بوکاده موافقت ایدمیورم . چونکه وجود فقد ایله رجوع اولورسه شوق زمریه سیتشدیر مجنز . بونیده اکلایورم (شوق را بنیم جونخرم) دیه فریاده باشلا یورم ! . بروقتل صفات طار ککه باشلا مش ابدی یعنی تجلیات صفات الهیه نك محبوساری جمله سندن ایدم . باقی قور تاردق شوق

ظاہر اولہ ماہ اولورسہ توحید وجودی بہ قاجش اولورز والسلام
این کار دولت کنون تا کرار سد

ذلك فضل الله يؤتيه من يشاء

مثنویخوان

عن

علویات اسلام

ام الفساد ، سم العباد بر مشروع ممنوع :

— خمر —

— مابعد —

(۱۸)

« نعم الحیش » مدح جلیل نبویسنہ نائلتہ الی الابد مسعود و
بختیار و بو شرفہ لاشک حیوش سائرہ اسلامیہ فائق و مرجح
بولنان حیوش عثمانیہ ضابطان و افرادینہ بتون معناسیہ « دیندارلق »
فرائض و احکام دینیہ بہ تمامی رعایت ، محرمات قطعیدن بولنان
« خمر » انواعندن ، صنوف مسکرات و عیش و عشرتدن صورت
قطعیدہ بجانب او درجہ لاید و الزمدرکہ بونلر تأمین ایدلکسزین
« نعم الحیش » سر جلیلنہ مظهریت ، فلاح و نجات و سعادت دولت
و ملت ممکن و متصور دکلدلر . دینسزلر دینمز علیہندہ
هزیانلرنده وارسونلر پایدار بولنہ طورسونلر « آب پاکہ نہضرر
وقوقہ قوربنہدن ! » مضمونجہ بونلرک ینہ کندی افادہ لریلہ مجروح
هزیانلری نقش بر آب قیلندن کلوب کچیجیدر ؛ بالوجہ حکمسزدر .
ارباب علم و عرفان ، اصحاب معرفت و حقیقت و اذعان بیلمز ،
دوشمنز میدرکہ دینسزلک ، امور دینیہدہ مبالانسزلق داعی محو و
فلا کتدر ؟ انلر بیلمز می کہ بتون موجودیت اسلامیہ و عثمانیہ نک
اساسامی دیندارلق دہ ، احکام شرعیہ بہ فرط رعایتدہ ، محرماتدن
اجتناب قطعیدہ ، اولی الامرہ اطاعتدہ جلوه کردر ؟ بو دولت و وطن
و ملت انلر سایہ سندنہ وجودہ کلش دکلیدر ؟

« اطلبوا العلم ولو بالصین » حدیث شریفی موجبجہ علم و معرفت
چین دہ دخی بولنسہ آلہ بیلورز ؛ غربک ہر درلو ترقیات و تکملات
و محترعات مدنیہ سنی - ہمدہ زاپونلردن یک زیادہ - اخذ و اقتباسہ
دین مینمز مانع دکل سائق کلیدر . آردہ برسد و انکل
عظیم وارسہ ، وقوفسزلق ، ہمتسزلک دن باشقہ بر شی دکلدلر . بو
یولہ غیور و وطنپرور حیثکار و دیندار رجال حکومت و زمامدران
سائنمز کی کیجہی کوندوزہ قاتہرق لایققطع سعی و فیر ایلہ غربک

اسباب تعالی و ترقیاتندن ایدہ جکمز استفادات و اقتباسات کلیہ مزی
محض حکمت و عدالت ، باعث نجات و فلاح و سعادت بولنان فیوضات
بی انتہای دیانت محمدیہ ایلہ دہا زیادہ و بالوجہ تزیین و تنویرجہ نہ زمان
موفق بولنورسہق ہیچ شہسز او زمان بتون جہانک تقدیسات و
احتقالات و تکریماتی یکی باشند اوزریمزہ توجہ ایدہ جک ، ایشہ
او وقت شان و شوکت عثمانیہ و اسلامیہ یکی باشند آفاقہ ولولہ ساز
بولنمقہ باشلاہ جقدر . (ان الارض یرثها ... الخ) .

حربیہ نظارت جلیاہ سنک اردویہ خطاباً شرفسانج بولنان سالف
العرض تبلیغات جلیاہ سنی « تصفیر افکار » غزہ سنک ۹۷۲ نومرو لی
و ۷ کانون ثانی ۱۳۲۹ تاریخلو نسخہ سندن بالاقتباس آتیہ مع الاقتضار
درج و تحریر ایلہ بو بحثی دہ اکمال ایلورز .

اردو مفتشاکلری ایلہ قول اردولر و ورق مستقلہ
قوماندانقلرینہ و دوائر حربیہ رؤسا و مدیرانہ حربیہ ناظری
انور یاشا حضر تلری طرفندن تبلیغات جلیاہ آتیہ اجرا
بیورلشدلر .

(۱)

دینسز بر اردونک ہیچ بر وقت موفق اولہ مہیجنی بجہ قطعہ
محققدر . وظیفہ سنی یایق خصوصندہ عسکری تشجیع ایدن و ہر درلو
فداکارلری کوزہ آلدیرتان سوائق ایچندہ الک مؤثری و الک قوتلیسی
دین و ایمان کاملدر . نزاہت اخلاقی و تصفیۃ قلبی امر ایدن دین
عسکرلکدہ انتظام و وحدت املی تأسیس ایدہ جک عوامل معنویہ دندر .
بناء علیہ کرک مسلم و کرک خرسیتیان ہر عسکرک فرائض و احکام
دینیہ سنہ صوک درجہدہ اعتنا ایلہ تمسک ایتمسج قطعہ طلب ایدیورم .
آمرلرک دخی کیمسنہک بو خصوصدہ مبالانمزجہ حرکت ایدہ مامسنہ
اعتنا ایتملری صورت قطعیدہ توصیه ایدہ رم .

حربیہ ناظری و ارکان
حربیہ عمومیہ رئیسی

انور

(۲)

ضابطانک صفت عسکریہی حائز بولندقلری خالدہ غازیو و
بیرہ خانہ لردہ عشرت ایتدکلری خبر آلمقدہدر . صفت عسکریہ نک
شرف و مزینتی اخلاص ایدن بو حال اساساً احکام جلیلہ دینیہجہ
محرمات قطعیدندر . بعدما صفت و قیافت عسکریہی لابس بولندقلری
خالدہ غازیو و بیرہ خانہ کی یرلردہ و میخانہ کوشہ لرنده و شورادہ
بورادہ عشرت ایتدکلری کوریلن ضابطانک درحال یا تقاعدہ سوق
ویا خود آجیفہ اخراج ایدیلک صورتیلہ تجزیہ ایدیلہ لری قطعہ مقرردر
ما فوقلرک دخی بو خصوصہ انظار دقت و اعتنائلری حصر ایلہ کرک